



partii naleraq

UKA2020/197

Ulloq. 15. Oktober 2020

Jens NapätôK´

Namminersorlutik Oqartussat ingerlatseqatigiiffiutaanni aamma tamakku ataanni ingerlatseqatigiiffinni siulersuisuni ilaasortat akissarsiaqartinneqalernissaannut politikkip kaajallaasitanngortinneratigut pisortatigoortunngortinneqarnissaa pillugu Inatsisartut aalajangiiffigisassaattut siunnersuut.

(Naalakkersuisut Siulittaasuat)

Siullermeenera

Namminersorlutik Oqartussat ingerlatseqatigiiffiutaanni aamma tamakku ataanni ingerlatseqatigiiffinni siulersuisuni ilaasortat akissarsiaqartinneqalernissaannut politikkip kaajallaasitanngortinneratigut pisortatigoortinneqarnissaa pillugu Inatsisartut aalajangiiffigisassaattut siunnersuut Partii Naleqqamiit imatut oqaaseqarfigissavarput.

Namminersorlutik Oqartussat aktiaateqarluni ingerlatseqatigiiffiutaanni aammalu taakku ataanni ingerlatseqatigiiffinni siulersuisuni ilaasortanut akissarsiat pillugit tamani isertuunneqarnatik pissarsiarineqarsinnaasumik politikeqarneq taamatullu siulersuisuni akissarsianut atuuttunut takussutissat tamanit pissarsiarineqarsinnaanissaat pillugu kaajallaasitanngortinneratigut maanna pisortatigoortinneqarnissaa ersarisarlugulusooq kiisami aaqqiisoqartussanngormat tamanna pissusissamisuuginnarpoq.

Namminersorlutik Oqartussat aktiaateqarluni ingerlateqatigiiffii taakkulu ataani ingerlatseqatigiiffiit inuiaqatigiit kalaallit pigaat. Taakkulu aamma aallaavigalugit ingerlatsillunilu kiffartuussisoqartariaqartoq Partii Naleqqamiit isumaqarpugut.

Aktiaateqarluni ingerlatseqatigiiffinni pisortanik pigineqartunik inuiaqatigiinnut kiffartuussinermik ingerlataqarnerminnik pingaaruteqartorujussuullutik inissisimassuupput, taakkulu atugaat namminersortut atugaattut pisinnaatitaaffeqarlutillu periarfissaqarput. Inuiaqatigiit aningaasaataat atorlugit allaat namminersortutut ingerlanerminni Nunap inuisa



partii naleraq

namminersorlutik suliffiutaat unammillersinnaasarpaat ilaalu kisermaasisussaatitaallutik illersorneqarlutik ingerlasuullutik.

Aktiaateqarluni ingerlatitseqatigiiffiit pissaanerat nunatsinni annertusiartuinnavippoq aammalu taamatut ingerlatsiffiusut amerliartuinnavillutik amerlisarneqartuarlutillu maannakkut aningaasartuuteqartarnerat killiffia qiviaraanni inuiaqatigiinnut akisoorujusuangoraluttuinnarput inuiaqatigiit akilersugaat.

Maannakkut ima kiisa ingasatigilerput allaat siulittaasuutitaqarfiusut ilaasa million sisamangorlugu agguaraanni pingasorarterutaanik akissarsiarisalerlugu saniatigooralugu siulittaasuunermini, tassalu 750.000 kr. aningaasartuutaasalerluni.

Pissaaneq annertoorujussuaq aktiaateqarluni ingerlatseqatigiiffinnut tunniunneqartartut eqqarsarnartoqartorujussuuginnanngillat aamma inuiaqatigiit salliutinnagit aningaasaq kisiat qitiutillugu ilaatigut peqqarniissinnaasumik ingerlasoqaleriartuinnarpoq.

Taamatullu politikikkut aliangersakkat qiviaraanni allaat akisussaaffik ingerlatseqatigiiffinnut tunioranneqarput taakku naalaganngorlugit inissittarlutik.

Mittarfiliortitsernissamut akisussaaffik annertooq tunniunneqarpoq taakkulu inuiaqatigiit pigisaat mittarfiit aningaasarsiorfiusut Kalaallit Airport-imut tunniunneqarput akeqanngitsumik taakku aningaasarsiuutiginiassammassuk, taakkulu ima pissaaneqartigilerput maani Inatsisartuni aaliangersimasarput Qaqortoq 1499-imik meterimik takitigisumik mittarfeqartussa q maanna aqqinniarsarivaat 799 meterimut appassasoq. taavalu Nuummi mittarfiliorneq akisunerujussuussasoq taamaammallu tamakku pillugit immikkut aningaasaliisoqartariaqartoq tusagassiutitigut nalunaarutigisaarpaat, aallaat oqaatigigaluarpaat septemberi naanerani angussaqassallutik mannakkut oktoberi kiisa imaalivoq suli qanoq iliuusissanik angussisoqanngitsoq. Ila susoqartoruna, inuiaqatigiit paasitinneqartariaqarput akisussaaffik annertooq tunniunneqaannanngilaq aamma inuiaqatigiit killiffimmik paasiteqarnissaat piffissanngorsorinarpoq sivitsorsaqqinneqanngitsumik. Suliat tassunga tunngassuteqartut pillugit assigiinngitsut killiffiat Aningaasaqarnermut akileraartarnermullu ataatsimiititaliamut



partii naleraq

saqqummiunneqarnikuupput isertuussaammatalu maani eqqartorneqarsinnaanngitsut. Taamaamat ammanerusumik uani periuseqalernissami oqariartuutigineqartoq akissarsiat pillugit aamma killiffinni ingerlariaqqinnissanilu ammanerusumik ingerlatsiffiulernissaa kissaatiginarluinnarpoq. Nunap inuinit naleqqunnerusumik aqqissuussisoqartariaqarpoq taamatut aktiaateqarluni ingerlatseqatigiiffinni pilersititsiortornerput nunap inuinit akisuavallaarujussuaqaaq. Inuiaqatigiit mittarfiliornissaat siunissamut aningaasaliinertut ilaasa taasagaat maanna Kalaallit Airport qanoq iliuuseqartinnagu Naalakkersuisut qanoq iliuuseqarsinnaanatik inissisimanagerat sivitsorsarneqaaqqissinnaanngilaq, Naalakkersuisut killiffik pillugu sinaakutissat tusagassiuutitsigut saqqummiunneqartartut qaangerneqarsimalereermata qanoq ingerlariaqqittoqassanersoq suliarisariaqalerpaat nunatta aningaasaqarneranut pingaaruteqartorujussuupput aammalu kujataani mittarfiliarisariaqartumut aqqiinissaq pingaruteqarluinnaqqissaarmat sukumiisumik ammanerusumillu aqqiffiginissaa eqqarsaatigalugu.

Inuiaat Kalaallit Nunap inui 56.000-iusugut iluemoorsinnaava taamatut aktiaateqarluni ingerlatseqatigiiffiit taama annertutigisumik akissaasertariaqarnerat. Aallaat nunarsuarmi aningaasarsiatigut qaffasinnerpaamik inissisimasuusartut Qallunaat 5 mio. missaani inoqartunut taamatut akisussaffeqarlutik ingerlatitsisunut allaat qaffasitigilerlutik. Taamatut ingerlatsilersimaneq kikkunnut naleqqussaanerua aamma soq taamarsuaq?

Inuiaat nunap inuisa akilersugassaat annertusiartuinnavippuut allaat Nuummi angallateqartut tulallutik tunisnerminni taamannaanaq akilersuitinneqalerput sineriammi allani inuiaqatigiit akiligaannik ajornaquteqanngitsumik talittaarfiit akilerneqarlutik ingerlanneqartuusut.

Aktiaateqarluni ingerlatseqatigiiffiit Naalakkersuinikkut akuleruffigineqarsinnaannginnerat utikattuarnearpoq, allaat nunaqarfiit ilaanni nunaqarfiit uummataat tunisassiorfiit matuneqarsinnaasarlutik unammilleqatigiinneq neqitiullugu, soorlu ilaatigut avannaani nunaqarfik periarfissarpassualik avatangiisaa pisuussutinik ulikkaartoq Aalisarnermut Piniarnermut Naalakkersuisup nunagisimasaa Kangersuatsiaq ilaatigut pilliutigineqartut ilagiinnarpaat. aktiaateqarluni ingerlatseqatigiiffiit pissaaneqarnerujussuat peqqutigalugu



partii naleraq

kiisa nunaqarfiit pilliutigineqartalerput aamma Nunatsinni nunap inui qassimmita pilliutaareerput inuiaqatigiit aningaasataat atorlugit unammillerlugit.

Partii Naleqqami ilisarnaatigilersimavarput inuiaqatigiit aallaavigalugit politikkeqarnitsinni aammalu nunap inui aallaavigalugit nutaaliorususseqartuugatta pissutitoqqat qangaaniilli atuuttut nunatsinnut minnerunngitsumillu nunap inuinit atuuttut ilaartoqattaaginnarnagit nutaaliortariaqalerluinnaleratta.

Ingelatseqatigiiffiit nunap inuinit naleqqussarneqarlutik nutarsarneqarnissaat Partii Naleqqamiit Pele Broberg-ip maani inatsisartuni oqaluuserisassanngortittarsimavaa aammalu nutaamik eqqarsarluta ingerlatseqatigiiffiit nunatsinnut nunap inuinnullu akikinnerusumik pisariinnerusmik pitsaanerusumillu aaqqiiffiginissaat naleqqussaqqinnissaat periarfissaq manna iluatillugu kaammattuutigeqqissuarput.

Taamatut Partii Naleqqamiit oqaaseqarluta amiilaarnaannartumik akissarsiat ilaat allaat qallunaat nalagaaffianni qaffasinnerpaanut inissisimalersimasut kaajallaasitanngornissaanik saqqummiunneqartut aammaarluta tupaqqaqaluta oqaaseqarfigaarput.